

民國軍事近紀

中華民國十五年十月初版

(民國軍事近紀二冊)

(上編定價大洋捌角)

(外埠酌加運費匯費)

著者丁文江

代售者商務印書館

北京 天津 保定 奉天 吉林 龍江
濟南 太原 開封 西安 南京 杭州
閩南 安慶 蕪湖 南昌 九江 漢口

分代售處商務印書分館

長沙 常德 衡州 成都 重慶 廈門
福州 廣州 潮州 香港 梧州 雲南
貴陽 張家口 新嘉坡

※此書有著作權翻印必究※

民國軍事近紀上編目次

頁數

第一章 緒論.....一

(一) 北洋派之歷史.....一

(二) 奉軍之崛起.....一四

(三) 十一年奉直之戰.....一九

第二章 直魯豫三特別區及東三省(其一).....二五

(一) 十三年戰爭以前之軍隊.....二五

(二) 開戰時兩軍之計畫.....四一

(三) 戰爭之結果.....五二

第三章 直魯豫三特別區及東三省(其二).....六二

(四)大戰後之餘波……………六三

(五)大戰後奉軍與國民軍之實力……………七三

第四章 陝西山西甘肅新疆……………一三〇

(一)陝西……………一三〇

(二)山西……………一四七

(三)甘肅……………一五一

(四)新疆……………一五六

第五章 江蘇浙江……………一六〇

(一)十三年戰爭以前之軍隊……………一六〇

(二)十三年江浙之戰……………一六九

(三)戰事之收束……………一七四

(四) 戰事之重開·····	一八五
(五) 戰後蘇浙之駐軍·····	一九二
第六章 湖北安徽江西·····	二〇二
(一) 湖北·····	二〇三
(二) 安徽·····	二一
(三) 江西·····	二一八
第七章 福建·····	二二六

民國軍事近紀上篇

第一章 緒論

(一) 北洋派之歷史

中國之有新軍，始於北洋。前清光緒十年（一八八四），李鴻章督直，從戈登言，設武備學堂於天津，延德員爲教授，段祺瑞馮國璋王士珍等均肄業於其中；然有新教育而無新軍隊，學生卒業，僅入營爲教習，無指揮軍隊之權也。甲午之役，湘淮軍潰敗，始議練新軍。于是胡燏棻奉命練兵，成定武軍十營於天津。光緒二十一年冬，以袁世凱統之，增募爲七千人，號新建軍，駐兵於天津南

之小站。以武備學堂畢業生爲軍官，兵制悉仿德人。是爲北洋派軍隊之原始。光緒二十五年，榮祿爲直督，練武衛軍：以聶士成馬玉崑董福祥袁世凱爲前後左右四軍，自將中軍。是年袁巡撫山東率其軍入魯，故拳匪之亂，聶士成死難，董福祥遣戍，馬玉崑浮沈于間署，惟袁之勢力日增。光緒二十七年，袁被任爲直隸總督，北洋大臣，小站兵始大。二十八年，奏定北洋營制餉章，先練常備兵二鎮。是年九月，左鎮先成（後爲北洋之第二鎮）。二十九年冬，京師設練兵處，以慶王奕劻總之，而袁世凱實與其事；選旗丁爲京旗常備兵（後爲北洋之第一鎮）。三十年，日俄戰事起，北洋防務急，乃成北洋常備右鎮（後爲北洋之第四鎮），並改編武衛自強軍爲第三鎮。三十一年，以第二鎮之一部，及武衛右軍之先鋒隊，擴充爲第五鎮，以第三鎮之一部，及武衛自強軍餘部，擴充爲第六鎮；舉行秋操于河間，北洋陸軍之聲譽，遂佈滿于世。于是忌袁者建議，併練兵處于陸軍

部，以鐵良爲尙書，劃北洋之一，三，五，六鎮歸陸軍部，以鳳山爲督練大臣。此光緒三十二年事也。

是年徐世昌爲東三省總督，調新成立之第一混成協（由第三鎮之第五協改編）赴奉。三十三年，復由二四兩鎮抽撥六營爲第二混成協，調駐奉天。同時第三鎮亦分防吉省。宣統元年，以混成第一協及獨立兩標爲二十師。于是北洋派之勢力遂自西而東。

當光緒三十二年之設陸軍部也，定全國軍額爲三十六鎮；分責各省督撫，限期成立。光緒三十三年，北洋六鎮外，湖北南京各成一鎮。宣統元年，成九鎮，六混成協。二年，成十二鎮，十九混成協。三年，成十六鎮，十六混成協。在直魯豫東三省者，共八鎮，二混成協。除禁衛軍，吉林之二十三鎮，及黑龍江之混成協外，皆袁世凱之舊部也。

袁世凱于三十三年與張之洞同入軍機，已不直接管軍符。及醇王監國，罷袁世凱，以載濤督練陸軍，倡練禁衛軍。宣統二年，罷鐵良，以蔭昌代爲陸軍部尚書，另設軍諮府，以載濤爲大臣。于是中央軍權，握于親貴，而外省督撫，多延日本留學生，任督練公所事，或就本省原有之陸軍學生，俾以兵權；北洋將帥益鬱鬱不得志。及武昌事起，除北洋及禁衛軍外，新軍皆離中央而獨立。蔭昌率二四兩鎮南下，徘徊于孝感信陽間。二四兩鎮者，原爲袁之常備軍左右鎮，六鎮中與袁最親。袁雖蟄居彰德，而與其舊部聲息常相通。蔭昌知袁不出，則將士不用命，乃奏請以袁督師，以馮國璋將第一軍，段祺瑞將第二軍，遂克漢口。及袁爲內閣總理，與民軍議和，卒賴段祺瑞等前敵將領之電，迫清廷退位，而自爲總統焉。

先是第六鎮統制吳祿貞獨立于石家莊，第二十鎮統制張紹曾擁兵于灤州，第

二協協統藍天蔚謀變于奉天。未幾，藍以失敗去奉，吳被刺死，張亦解兵柄，北洋派軍權，遂復統一。張吳藍均畢業于日本士官學校，故自是袁世凱不復用留學生；惟就北洋舊部，選拔將校，增練陸軍。民國二年，二次革命時，北軍爲袁用者，禁衛軍及北洋六師，二十師，直隸第一混成旅，中央第二混成旅之外，尙有拱衛軍五路，成立于宣統三年九月，初駐河南，旋調駐京師，守衛公府，及新成立之第七師（師長雷震春）。于是以何宗蓮率第一師駐察哈爾，以王占元之第二師及褚恩榮第二混成旅鎮武漢，曹錕之第三師及范國璋之二十師駐岳州，靳雲鵬之第五師及新成立之四十七旅駐山東；以李純率第六師及第二師之一部攻江西，以馮國璋率禁衛軍，雷震春之第七師，劉詢之直隸第一混成旅（後改稱中央第五混成旅），及第五師之第十旅與第二十師之七十九團攻南京，以第四師之一部守上海，旋派第四師之十四團赴福建。于是上自湖北，下至浙閩，均爲袁世凱軍隊

駐防地：北洋勢力遂侵入東南。

常第二次革命事急時，軍隊多南下，乃增募補充旅，駐山東，補第五師十旅之缺；另募第一路備補營駐北苑，第二路備補營駐保定。旋以補充旅爲第十旅，改原第十旅爲中央第一混成旅，以施從濱爲旅長，駐鎮江。另成第三混成旅，張敬堯爲旅長，駐河南；第九混成旅，丁效蘭爲旅長，駐江西。三年冬，改第七師爲十五十六兩混成旅，以賈德耀馮玉祥爲旅長，駐陝西。另擴充第三混成旅爲第七師，以張敬堯爲師長。拱衛軍前路爲第八師，李長泰爲師長，分駐馬廠北京。河南第一師爲第九師，張錫元爲師長（旋改爲河南第一第二旅）。第三師之第五旅爲第十師，盧永祥爲師長，駐上海。二十師之三十九旅爲第四混成旅，伍祥楨爲旅長。備補營第一路爲第七混成旅，唐天喜爲旅長。第二路爲第八混成旅，徐占鳳爲旅長。而駐福建之十四團，駐湖北之第二師補充旅，亦先後改編爲第十第

六混成旅。是爲北洋軍隊大擴充之第一次。

時袁世凱陰謀稱帝，慮北洋將校之不用命也，乃藉口北洋軍隊暮氣，另組織模範團于北京，選各師旅將校之優秀者爲心腹。四年冬，成十一十二兩師，張永成陳光遠爲師長。添募第三混成旅，駐江西。裁減山西之十三十四混成旅爲團，另以李炳之爲十三混成旅長。五年，帝制事起，以第七師，第十六混成旅入川，繼之以第三師。分第十師之第十九旅赴福建；一團沈于海，一團至閩改編爲第十四混成旅。復添募近畿第一第二兩旅，及第一第二兩混成團。終袁之世，中央有拱衛禁衛二軍，十三師（一至十二，二十），十七混成旅（一至十六混成旅及山東之四十七旅）；除黎天才之第九師，王麒麟之第十一混成旅，黃國梁之第十二混成旅外，皆北洋派之勢力也；而姜桂題之毅軍，倪嗣冲之安武軍，張勳之定武軍，非新軍編制者，尙不在其列焉。

洪憲失敗，黎元洪繼任爲總統，段祺瑞爲國務總理兼陸軍總長。五年八月，改拱衛軍爲第十三師，以李進才爲師長。六年春，段祺瑞主張對德宣戰，黎元洪不可，府院日衝突。六月，各省督軍集天津，宣告獨立。黎元洪從張勳請，解散國會。七月一日，張勳復辟，段率第八師第十六混成旅討之。七月十二日，入京。馮國璋代黎爲總統。擴充第五混成旅爲第十五師，以劉詢爲師長。近畿第二旅爲第四混成旅，以張錫元爲旅長。九月，改禁衛軍爲第十六師，以王廷楨爲師長。先是，唐繼堯于八月十一日通電護法，段祺瑞主用兵。九月，以傅良佐爲湖南督軍，率第八第二十師入湘，吳光新率第十三混成旅入川。是月十八日，零陵鎮守使劉建藩獨立，二十一日，程璧光率海軍赴粵，大局益紛亂。北洋派分爲二系：馮國璋主和，直隸督軍曹錕，湖北督軍王占元，江蘇督軍李純，江西督軍陳光遠附之，李純首通電要求停戰；段祺瑞主戰：安徽督軍倪嗣冲，浙江督軍楊善

德，松滬護軍使盧永祥，福建督軍李厚基附之。山東督軍張懷芝，河南督軍趙倜，則首鼠觀變。十月，北軍攻湘失利，傅良佐出走，第八師師長王汝賢，二十師師長范國璋通電言和，曹錕王占元李純陳光遠響應之，段祺瑞辭職。然第九師黎天才，湖北第一師石星川等獨立于荊襄，湘軍再攻岳州，北洋派軍人復合作，于十二月三日會議于天津，一致主戰。是月十六日，以曹錕爲第一軍司令，張懷芝爲第二軍司令，率師由鄂贛入湘。十二月，以段祺瑞督辦參戰事務，改駐湖北之第九師爲十七十八混成旅，以張聯陞趙榮華爲旅長，另以模範團爲第九師，以魏宗瀚爲師長；魏亦段之親信也。

七年一月，以曹錕爲兩湖宣撫使，張敬堯爲攻岳前敵司令，張懷芝爲湘贛檢閱使，率師南下。二月，徐樹錚說奉督張作霖截留自日本所購軍械于秦皇島。張自爲奉軍總司令，以徐樹錚爲副司令，派兵入關。馮國璋不得已，復任段祺瑞爲

國務總理，大舉南征。時各省督軍，紛紛增兵。六年，直隸已有五混成旅（旅長王承斌、閣相文、蕭耀南、曹錕、商德全）；是年七月，復添募三補充旅，一衛隊旅，以葛樹屏、董政國、彭壽莘、孫岳為旅長。山東已有新軍一師，及各路巡防改編之五旅（成立於六年十月），是年復添募二補充旅。河南已有第九師改編之第一第二旅，復以備補兵營為宏威軍第一路。湖北原有第三（三年七月成立）第四（六年十二月成立）兩混成旅，是年九月，復添募第一第二兩混成旅。福建原有一旅，是年五月，改為第一師。九月，擴充中央十四混成旅為第二師，又增募一混成旅，四團。其屬於中央者：第六混成旅改編為十八師，王懋賞為師長，仍駐湖北（七年一月）；近畿第一旅改編為二十混成旅，吳長植為旅長，駐山東（七年六月）；改湖北省防軍為二十一混成旅，孫傳芳為旅長，奉軍補充旅為二十四混成旅，王永泉為旅長（七年十二月），移駐福建，復由第四師分成第六混成旅，何豐林為

旅長，駐上海。軍隊既多，內容複雜，非復民國五年以前之整齊劃一矣。

徐樹錚患北洋將校之不用命，且與段系將校曲同豐等不和，故藉奉天力以練新軍；初成步兵三旅，砲兵一旅。參戰處成立，即劃爲參戰軍。其後第一旅改編爲二十四混成旅，赴福建，而日本借款，陸續交付，段用曲同豐等練兵三師。徐部乃改稱西北邊防軍，合計四旅：以第一第四旅駐洛陽，第三旅駐宣化，第二旅駐廊房。參戰軍亦于八年改稱邊防軍：第一師師長曲同豐，第三師師長陳文運駐近畿；第二師師長馬良駐山東。以上三師四旅，軍械均來自日本；西北軍羅致青年軍官，訓練尤精，然段祺瑞因是乃益遭北洋將校之忌。

方七年春北軍之攻湖南也，吳佩孚率第三師于三月克岳州。段祺瑞乃任張敬堯爲湘督。四月，北軍克衡山，而未幾第二軍大潰于萍鄉，幾不成軍，戰事遂停頓。五月，曹錕回天津。六月，張懷芝回濟南，山東第一師解散。八月，吳佩孚

率第三師旅長張學龍、張福來及直隸混成旅旅長王承斌、閻相文、蕭耀南等通電主和。十月，徐世昌繼馮國璋爲總統，以王士珍代段祺瑞爲國務總理，令前敵將領停戰。八年春，南北代表議和于上海，後雖破裂，而南征之議遂罷。是年六月，以徐樹錚爲西北邊防軍總司令。十一月，徐率西北軍第三旅褚其祥部赴庫倫。八月，浙江督軍楊善德卒，以盧永祥代之，仍兼松滬護軍使。九年五月，吳佩孚率第三師及直隸三混成旅北歸。六月，南軍進攻長沙，張敬堯逃。段祺瑞憤甚，曹錕、吳佩孚亦進兵近郊。七月六日，段下動員令，組織定國軍：以邊防軍第一師，第三師，中央十五師，出蘆溝橋；以西北軍第二旅攻天津，邊防軍第二師由山東攻德州。七月十日開戰，即所謂直皖之戰是也。戰三日，西路十五師先潰降，邊防軍第一師繼之，曲同豐被俘。東路則直隸第四混成旅曹錕爲西北軍所敗，第五混成旅商德全爲馬良所敗，賴奉軍來援，且西路皖軍潰敗，天津得全。